

On dremian

Autor(en): **Ruffieux, Cyprien / Tobi di-j-élindzo**

Objektyp: **Article**

Zeitschrift: **Le nouveau conteur vaudois et romand**

Band (Jahr): **95 (1967-1968)**

Heft 11-12

PDF erstellt am: **28.06.2024**

Persistenter Link: <https://doi.org/10.5169/seals-234795>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Page fribourgeoise

Lè Triolè ou Mouret

Vinyê du on bokon pèrto, du Wallenried, du Avry-chu-Rojé, du Friboua è di velâdzo d'la kotze, lè patèjan chè chon rètrovâ la né d'la Fithâ-Dyu a la Kri-Byantse dou Mouret. Kan on'a on tréjouâ din ouna kotze, y fô a to pri le konchèrvâ. L'è pochin ke no j'avan fondâ l'Amicale. Y l'è on devê de rémarhyâ lè j'èmi ke vinyon du bin yin a nouthrè rinkontrè. Chi korâdzo devèthrè raloumâ la hyanma dou patè de Prareman ke richkè de chè dehyindre è ke no fâ dou pochyin.

Po le piti nonbro de 36 j'èmi, l'achinbyâye chè ourâye pè lè chouè de binvinyète de M. Franthè Mouron préjidan. De chute apri Marièta Bongâ l'a yê le protocole d'la bala rinkontra dou 26 de mâ a Epindè k'èthê j'ou inrèjichtrâye pè la Radio d'la Chuiche Remanda. Du chin la parola l'è j'ou baya i Moncheu Rochi è Chibo d'Avry ke no j'an bayi di fâchè de lou lingâdzo ke no j'an bin konprê. Du Trivo no j'avan nouthrè j'abituâ MM. Franthè Bourdyè è Pièro Yêrle ke l'an rèpondu châvamin a la demânda dou préjidan. Arkonhyi no bayè di brâvo j'èmi dou patè pè Madama Chorderè è M. Luvî Python, ke chè pâ préyi po no kontâ di pititè j'ichtouârè. L'è j'èpâ Rênô d'Epindè no j'an fê a rire avui lou fâchè è lou tsan. Che Madama Antoinète Proudzin, de Friboua, no j'invitâvè d'alâ i rogayon de Morlon, lè Moncheu Martson è Folly no kontâvan tsakon oun'ichtouâre novala ke no j'a fê pyéji. Lè Moncheu

Franthè Mouron è Francis Tanner l'an yê di j'èkri dou Révéren Père Yodo Cotting ke le préjidan l'avi j'ou bin choin de vouêrdâ. Po ithre la né d'la Fithâ-Dyu, vouthra pitita chèrvinta dou patè l'avé tradui le bi tsan de Friboua ou Chakré-Kâ ke l'è j'ou akutâ avui atinhyon. La tsanthon dou Viyo tin l'è j'ou inbriyâye pè ti lè j'èmi.

Che le nonbro di patèjan de Prareman èthê bin mégro, no j'avan la tsanthe d'avé pèrmi no M. Pièro Kolly, ke l'è tan alègro din nouthrè rinkontrè è no devin le rémarhyâ.

Po hyoure ha réunion, no j'an tsantâ « Lè j'armalyi di Colonbètè » è M. le préjidan l'a chouètâ ouna bouna rintrâye a ti lè j'èmi. D'outon kevin l'achinbyâye l'arè yu a Bounafontanna.

Organijâye pè lè bon choin de M. Francis Tanner, chin no parmè de no rèdzoyi d'avantho.

Marièta Bongâ.

On dremian

Chtache chè pachâye vè nothrè-j-èmi dou tyinton de Vô.

Ou lulu ke n'èthi pâ fotu d'alâ ou pridzo chin ronhlyâ kemin on bènirâ, chè trôvâ on dzoa, per ajâ, avi le minichtro è on konchilyé de pèrotze. Chtiche, po fére a vère k'irè on bon krètyin è po fére plyéji ou minichtro, fâ ou dremyan :

— Di-vê, Abran, kan te vâ ou pridzo te fâ tyè de dremi, akuta, chin n'è pâ è pagni bin alègro ; tè fô tè rèvèlyi, tè déboubenâ on bokon.

Le minichtro ly-a trôvâ ke le konchilyé ly-avi réjon. Ma, mon Abran, ke tigni pâ cha linvoua ou tzô, l'a pâ oyu de cht'orolye, du kemin n'a hlyotze, ly rèbrekè :

— Tyin è-the le plye koupâblyo, chi ke doâ oubin chi ke ly-indoâ ?...

Cyprien Ruffieux
(Tobi di-j-éлиндзо)